

Mano ba lah ban rejister ia ki jait jingthung?

- Uno uno u riewshimet uba pynshisha ba udei u ba pynkha bad pynmih ia uta ujaitjingthung
 - Uno uno uba dei u nongioh pateng jong uta uba lah pynkha bad pynmih ia uta u jait jingthung
 - Uno uno u ba lah da pynkup bor ne u nongpynmih uba kup ia ka bor ban rejister ia uta u jait jingthung
 - Kino kino ki seng nongrep kiba pynshisha ba ki long ki nongpynkha nongpynmih ia uta ujaitjingthung
 - Uno uno u briew uba lah pynkupbor da ka aiñ ban long uba pyniarap bad pyn rejister na ka bynta ki nongrep
 - Kano kano ka skul bah ne ka seng Sorkar kaba iadei bad ka mat ka rep ka liang.
-
- Registrar, PPV&FRA, New Delhi
 - Lah ban rejister ia ki jait jingthung ha ki tnat ophis kiba don ha Guwahati (Assam)bad Ranchi (Jharkhand)

Hato ka long ne em kaba donkam ban ai ia ki symbai jong kita ki jait jingthung ha ki por ba rejister ia ki?

Hood, ka long kaba donkam ban ai ia ki symbai jong kita ki jait jingthung khnang ban lah ban pynshisha ia ki dak jong ka jinglong bapher (distinct), ka bym pat ju don (unique) bad ka ba iaineh (stability) jong kita ki jait jingthung.

LA PYNBIT PYNBIANG DA U
Shri. M. Kharbuli
Farm Manager, KVK Jaiñtia Hills

LA PYNSAPHRIANG DA U
Shri. M. J. Syngkon,
Senior Scientist and Head, KVK Jaiñtia Hills

KRISHI VIGYAN KENDRA

JAIÑTIA HILLS



**KA AIÑ BAN IADA
IA KI JAIT JINGTHUNG BAD
KA HOK JONG KI NONGREP, 2001**

**PROTECTION OF PLANT VARIETIES
AND FARMER'S RIGHTS ACT, 2001**



Ka Jinglamphrang

Ka sorkar india ka la pynmih ia ka ain “protection of plant varieties and farmer’s rights act, 2001, kaba iadei bad ka jingiada ia ki jait jingthung (plant varieties) bad ban iada ia ki hok jong ki nongrep da kaba pynwandur ia ka ha ka rukom kaba bit bad biang eh bad kaba lah ban wanrah jingmyntoi ia ki paid nongrep ha kiba bun ki liang.

Kaei ka phang ne jingthmu jong kane ka aiñ?

Ki jingthmu jong kane ka ain ki long kumne harum:-

- Ban wanrah bad pynskhem ia ka rukom pyniaid kaba donbor ha kaba iadei bad ka jingiada ia ki jait jingthung, ia ki hok jong ki nongrep bad kito kiba donkti ha kaba pynkha bad pynroi ia ki jait jingthung khang ban ai mynsiem bad pynshlur ia kiba kum kita ban pynmih ia ki jait jingthung ba thymmai.
- Ban ithuh bad iada ia ki hok jong ki nongrep ha kaba iadei bad ki jongnoh synniang jong ki ha kano kano ka bynta kaba iadei bad ka jingpynneh pynsah, jingpynbna ia ki jait jingthung khnang ban pynlah ban pynroi ia ki jait jingthung ba kham bha da ka jingstad saian ba mynta.
- Ban wanrah ia ka roi ka par jong ka rep ka riang ha ka ri India, iada ia ki hok jong kito kiba donkti ban pynneh pynsah bad pynroi ia ki jait jingthung bapher bapher bad ban pynkhih ia ka ban wanrah ia ka rukom kaba pynkup bor ia kiba iit khmih bad wad bniah khnang ban pynmih ia ki jait jingthung ba kham bha da ki seng ne ki bor sorkar.
- Ban pynshlur ia ka ban pynroi ia ki symbai ba bha ki ban long ka jingmyntoi ia uba bun u paid nongrep bad ka rep ka riang hi baroh kawei.

Kiei kita ki hok kiba kane ka aiñ ka kdup?

- Ka hok jong uta uba donkti ban pynkha bad pynroi ia ki jait jingthung ba thymmai (Breeder’s Rights)
Uta uba donkti ban pynkha bad pynroi ia ki jait jingthung ba thymmai uba don ka hok ban pynmih, ban die bad ban khaii, ban wallam shalan na bar ri bad ban phah shalan shabar ri ia uno uno u jait jingthung balah ban ithuh kyrpang da kane ka aiñ.

- Ka hok jong u nongwad bniah (Researcher’s Rights) U nongwad bniah a don ka hok ban wad bniah ne ban tynjuh (conducting experiments) ia uno uno u jait jingthung ba lah ithuh kyrpang da kane ka aiñ.
- Ka hok jong ki nongrep (Farmer’s Rights)
 - Uno uno u nongrep uba la pynkha ne pynmih ia uno uno u jait jingthung ba thymrmai u don ka hok ban rejister ia uta u jingthung khnang bal ah ban iada ia ka jingling kyrpang jong uta u jingthung.
 - U nongrep u lah ban rejister ia uta u jait jingthung kum u extant variety.
U extant variety u dei uta u jait jingthung uba ngi lah ban shem ha ri India bad uba lah pyntip shaphang jong u lyngba ka Seeds Act, 1966 (Section 5). Uno uno u jait jingthung uba u nongrep u lab rep na kawei ka pateng sha kawei pat, u lah ban long ruh u jait jingthung khlaw. U jait jingthung uba lah rep salonsar ne uba baroh kiba bun ki iatip lang, ki lah ban long kern u extant Variety.
 - U nongrep u lah ban bet, bet biang, kyliang, ia sam ne die ia ki jingmih kynthup ia u symbai jong uta u jait jingthung ba lah da ithuh kyrpang da kane ka aiñ.
 - Ki nongrep ki don ka hok ban shah ithuh bad ban ioh buskit na ka bynta ban pynneh pynsah ia kita ki jait jingthung kiba long kum ka tyllong spah long ka mei mariang ha kaba iadei bad ki jingthung jingtep.
 - Ki nongrep ruh ki don ia ka hok ban ioh ia ka bai lut ksan kat kum ka Section 39 (2) jong kane ka aiñ.
 - La iada ruh ia u nongrep ban siew ia kano kano ka dor ha kaba iadei bad ki kam ban pyndep ha khmat u Rejister jong ka ophis ne ka ing shari jong ka sorkar hapoh kane ka aiñ.

Katno por lah ban iada ia u jait jingthung ba la ithuh da kane ka aiñ?

Ki dieng bad dieng soh	18 Snem
Na ka bynta kiwei pat ki jait jingthung	15 Snem
Ia ki extant variety ba lah ithuh (Katkum ka Seeds Act, 1996)	15 Snem naduh ka tarik bala ithuh ia ki